

古今尺牘大觀 下編二



中 華 書 局 發 行

學 生 衛 生 寶 鑑

●全一冊

▲定價六角


中敘武士道衛生法
衛生自修法。健腦
強記法。眼之攝生
及運動法。長壽術
等種種妙法。爲學
生衛生之秘笈。

強 身 心 法

●全一冊

▲價三角半


是書於強健
身心之秘術。
無不分門別
類。詳爲說明。
實爲攝生家
之南針。



珠算入門

一冊 三角五分

珠算歌訣原爲便利計算而設然不明其理反爲所苦故本書對於此點特加注意凡歌訣構成之原理及運用法等均剴切說明不留餘蘊學者依此練習則知其然而不知其所以然之大蔽可以免矣



商業適用

珠算全書

二冊 九角

本書排列由淺入深自定擋運珠佈算整數四則小數諸等數等起至百分求積止每立一法必示完備之算例詳細之盤式及說明一覽即可瞭然且取材極切實用舉凡貼現佣錢利息外國權度匯兌飛歸以及日常應用之諸種算法無不應有盡有實爲商業上最美備之珠算書

古今尺牘大觀 下編

第二冊

目錄

達情類

抒懷

清陳玉璣與曹裁嶠書

清龔百藥與某生論不好名書

清張愬與石潮和尚書

清陸世儀答宋子猶論時事書

清顧炎武與友人論門人書

清李長日與黎婉曾先生書

清宗元鼎與人書

清陳維崧與陳際叔書

清熊文舉汝陰與人書

清徐枋與葛瑞五書

清汪琬與金秀才書

清孫奇逢寄三無道人書

清趙進美與王貽上書

清馬世俊與謝素菴書

清魏裔介與紀伯紫書

清張雲章與陸稼書先生書

清王源復陸紫宸書

清劉大櫟答吳殿麟書

清陶元淳上熊孝感相公書

清張應瑞與顏遜甫書

清方苞與謝雲墅書

清沈彤與望谿先生書

清牛運震寄董大兄書

清陳黃中答光岳書

清桂馥寄顏運生書

清洪亮吉與孫季述書

清陳宏謀寄桐城張相國書

清謝振定答李嗇生書

清王莘與友人論人品書

清全祖望心喪荀子答鄞令

清楊夢符與莊葆琛書

清許宗彥寄答陳恭甫同年書

清汪廷珍復劉君孟塗書

清汪中與劍潭書

清孫原湘與子和農部書

清金應麟答莊芝階書

清王衍梅與陳曉雲書

清吳定答任幼直先生書

清吳士模與董超然書

清姚瑩復薦青一兄書

清姚瑩與余小坡書

清董祐誠答方彥聞書

清譚瑩寄蔡樹百光祿書

清吳廷棟答陳壽卿太史書

清左宗棠與胡潤之書

清曾國藩復彭麗生書

清吳敏樹答李香州書

清湯鵬與陶制府書

清龔自珍與江居士箋

清周天爵答吳雲麓書

清張起毅上左季高丈書

清黃雲鵠答舅父書

清蔡簾與家申甫書

清曾紀澤答友人書

清薛福成答友人書

清郭長清答夏少司馬書

清郭傳璞與王綬香書

清涂景濤復黃此園書

清吳大廷答胡宮保書

清譚嗣同上歐陽辦蘊師書

清黎庶昌答李勉林觀察書

清袁昶致吳子修太史書

清壽富致高嘯桐書

清陳豪致吳子修學使書

清褚成博致吳敬彊書

清何維棣與張海源廣文書

清梁鼎芬致吳執厂書

古今尺牘大觀 下編

第二冊

杭縣 鍾毓龍
朱用賓 纂輯

達情類

抒懷

清陳玉璣與曹義嶠書

僕昨至京師。攜所爲文數十首。謬爲諸大人先生所推許。私竊自喜。以爲昔揚子雲著太玄。世無知者。子雲曰。後世復有揚子雲。當必好之。僕文雖不敢擬於雲子。乃不待後世而已。有知之者。此其所以喜也。旣又退而自疑。昔韓退之欲謁宰相。其初上書曰。小子不敢自幸。其嘗所著文。輒采其可者若干首。錄在異卷。冀辱賜觀。使其時宰相一見而卽知其文。當不待其書之再而三矣。今世之爲文者。有敢

比於退之者乎。乃僕自到京師以來。諸大人先生之能文者。一見僕文。卽交相稱可。飲食贈遺之禮。且以備至。僕之所遭。似過退之。不知其何以遽至於此也。中夜自思。怛怛於中。嘗躍然以起。爽然如有所失。究乃愀然不能已於憂也。僕觀天下之人多矣。其人而安爲泯泯無聞之人。則已。旣已。願爲文章。其文章旣已。謬爲當世所推許。苟不殫精竭慮。冀可傳於後世。譬之三春之華。暫榮旋萎。杳無足觀。則何益哉。則何益哉。杜少陵有云。文章千古事。得失寸心知。知爲千古事。則必不敢輕爲。至於寸心。知而後求。知於人也。始無所媿。僕求諸心。究何足恃耶。求諸心。旣無足恃。乃謬爲諸大人先生所推許。無亦愛僕過甚。望僕過奢。而舉未足爲定論耶。然僕深自幸者。僕雖舉進士。去授官之時。尙有六七載。自此以往。葺東郊之敝廬。命奴子耕舍旁田數十畝。以自給。痛絕無益之人事。專肆力於文章。倘得一二可傳者。卽不質之當世大人先生。而有以自信。然後僕之憂可已。僕之疑可釋。徐以冀向之所以自喜者。則庶乎其可也。雖然。豈易言哉。足下好爲文章。平日又極

稱道僕文。故奉此書以告僕意。

清龔百藥與某生論不好名書

遠近之人所翕然稱慕之。不脛而走。不翼而飛。苟期得乎此。則舉他物不足以易其好者。非名也耶。君子疾沒世而名不稱。富貴貧賤去仁則惡乎成名。名者君子之所甚急也。而子乃高譽僕以爲不好名過矣。今夫嬰兒之相與戲也。以塵爲飯。以塗爲羹。以木爲戢。雖嬰兒羣而噪呼。謂之飯也。羹也。戢也。此可以戲而不可以食也。昔者趙襄子學御於王子期。俄而與子期逐。三易馬。三後。襄子曰。子之教我御術未盡也。對曰。術已盡。用之則過耳。凡御之所貴。馬體安於車。人心調於馬。然後以進速致遠。今君後則欲逮臣。先則恐逮於臣。夫誘道爭遠。非先則後也。而先後心皆在於臣。尙何調於馬哉。楚人呼石未剖者曰璞。鄭人呼鼠未腊者爲璞。楚人之遇鄭賈。聞其聲。請視之。出之則鼠也。齊之女有設爲不嫁者。行年三十而有七子。嫁則不嫁。然嫁過畢矣。若是者。皆僕之所恥。是以不敢有此名也。僕豈不好

下編 第二冊
名者哉。

清張惣與石潮和尚書

接手教。知師知南邨之貧。然南邨近日卻復不同。當時實不自知爲貧。如在痛醉中。亦如在鼾睡中。雖雷霆迅激。山嶽震動。了不覺知。邇來如醉忽醒。如睡忽寤。痛分明。癢分明。癢不食則知飢。不衣則知寒。第飢寒親切處。與飽煖親切處。一無異也。向者知耐得飢。耐得寒。今者則不必定飢。不必定寒。且願盡大地人不飢不寒。不止不飢不寒。而且願以無上妙味。無縫天衣。供養如來。與一切善知識。暨諸生平師友。蓋自南邨今日之知貧始也。此中受用。正自不盡。何煩排遣。所謂朋友妻子不得而知者是也。吾師知我。幸更進以教我。

清陸世儀答宋子猶論時事書

南中紛紜。不可盡言。北兵已駐瓜揚。左兵復攻池太。長江之險盡失。安危大勢。不待智者可知。南中歸人。更言朝貴風流。遠勝東山。特未知八公淝水。效靈否耳。吾

吳切近之憂。不獨高兵傳聞劉鎮亦欲南來。但以愚料之。北兵駐揚。已近半月。劉鎮海帆南下。多不過數日。迄今不至。想有他說矣。亦明者所可意度也。敝邑綢繆之說。萬無此事。弟亦正欲其無此事。庶幾敵擾之先。少一番兵擾耳。陰雨壞麥。雖可憂念。但吳中積旱已極。得此稍有瀦水。人馬不得馳驟。未始非將來之幸。吾輩趨避之私。固不可擾擾胸中。然爲道愛身。亦當預計。弟輩水田之約。頗有成局。仁兄能同此志否。傳習錄既已竟讀。又得知行合一之旨。足徵進境。又謂深明致良知之旨。與弟卽動求靜之旨相合。其果否。未暇細論。然弟以爲此正不必。弟卽動求靜之旨。乃爲言夏靜中求靜而發。恐不善讀者專向靜一邊。又有因學發病之弊。仁兄既從此得力。便可尋討向上。不必於此言沾沾也。弟平生得力止居敬窮理四字。居敬是根本。窮理是進步處。主宰在此。又時時尋討向上。既不走失。又不放倒。此千聖千賢無滲漏妙法。此處得力。便或出。或處。或默。或語。隨時隨地皆有。把柄。凡知行合一。致良知。卽動求靜之類。同異偏全。舉眼便見。若體認未到。徒較。

論彼此商權同異。縱見得影響相似處。終未得其實。用功不二法門也。個中精義無窮。須用心很做。自能一一驗出。天官書甚欲搜輯。苦乏人繕寫。尙無就緒。近又覓得一二種。可稍省手腳。然正費推敲也。避地一事。當今要著。吾兄不可不留意。水村讀書社序一篇。此弟輩鄙淺之見。未必竟免禍亂。然一時君子皆萃此土。卽兵革之禍。無地可避。或天眷善人。爲世界人心留一方。遺種未可知也。

清顧炎武與友人論門人書

伏承來教。勤勤懇懇。閱其年之衰暮。而悼其學之無傳。其爲意甚盛。然欲使之效曩者二三先生。招門徒立名譽。以光顯於世。則私心有所不願也。若乃西漢之傳經弟子。常千餘人。而位高者至公卿。下者亦爲博士。以名其學。可不謂榮與。而班史乃斷之曰。蓋祿利之路然也。故以夫子之門人。且學干祿。子曰。三年學。不志於穀。不易得也。而況於今日乎。今之爲祿利者。其無藉於經術也。審矣。窮年所習。不過應試之文。而問以本經。猶茫然不知。爲何語。蓋舉唐以來帖括之淺。而又廢之。

其無意於學也。傳之非一世矣。矧納資之例行。而目不識字者。可爲郡邑博士。惟貧而不能徙業者。百人之中。尙有一二讀書而又皆躁競之徒。欲速成以名於世。語之以五經。則不願學。語之以白沙陽明之語錄。則欣然矣。以其襲而取之易也。其中小有才華者。頗好爲詩。而今日之詩。亦可以不學而作。吾行天下。見詩與語錄之刻。堆几積案。殆於瓦釜雷鳴。而叩以二南雅頌之義。不能說也。於此時而將行吾之道。其誰從之。大匠不爲拙工。改廢繩墨。羿不爲拙射。變其彀率。若狗衆人之好。而自貶其學。以求天下之人。而廣其名譽。則是枉道以從人。而我亦將有所不暇。惟是斯道之在天下。必有時而興。而君子之教人。有私淑艾者。雖去之百世。而猶若同堂也。所著日知錄三十餘卷。平生之志與業。皆在其中。惟多寫數本。以貽之同好。庶不爲惡其害己者之所去。而有王者起。得以酌取焉。其亦可以畢區區之願矣。夫道之污隆。各以其時。若爲己而不求名。則無不可以自勉。鄙哉。硜硜所以異於今之先生者如此。高明何以教之。

清李長日與黎媿曾先生書

僕不敢自欺也。歷觀古今垂不朽者。不曰宿根。則曰積學。僕生二十七年。始學爲詩。再三年。復有意於古文詞。且汀郡斯道落落如晨星。嗚咽寡和。無所師承。加以疾病飢寒。昏惰交游。種種來敗人意。而欲肆力於詩文。以求合乎古人。不亦難哉。不亦難哉。適自取其詬厲也。常私念此道。非入山數年。發憤向學。以上下千秋爲不朽計。徒俯仰里巷間。而思其可傳也。則自欺實甚。今尙有鄰嘉賓其人。肯爲戴安道辦百萬隱貲者乎。此段迂想。每念及不覺啞然自哂也。僕具詩文之癖。又不肯安於固陋。與里巷小兒跽蹕於一時。唯有慚憤無極。行見其與草木同腐耳。此後唯思得東郊數椽。積書數千卷。坐臥其中。手自披剝。然後大肆其力。以成一家言。庶此生精力得稍見其要領。不知能遂如其願否。幸先生之有以教我。也。

清宗元鼎與人書

余性不喜煩。與人對終日。卽病。或飲酌數夕。亦然。或值勢利毀譽之場。幾如溽暑。

置身赤日下。此其器沈淪於山林巖谷。固宜而移家於窮鄉僻壤。亦此意也。其居隣亦習知予懶。余閒居亦未嘗至柴門外。或客至。或入郡。始一到門。不則數月兀坐草堂而已。昔杜生三十年未嘗出門。孫軫問之。杜指門外一桑曰。憶十五年前。亦曾納涼其下。余未嘗不向慕之。惜乎不能也。

清陳維崧與陳際叔書

際叔足下。載披新製。歡笑無量。循環把玩。不啻口實。慨自江表喪亂。文籍散脫。掌故流落。有同甲帳。文史毀棄。便類羽陵。風尚所期。惟在足下。今茲書敍。大似休璉。其餘撰述。自多傑作。夫以孔璋之才。不嫻於詞賦。士衡適藻。亦以手重見訾。固知雕蟲小技。未可輕棄也。足下諸賦。已必傳矣。僕才質疎放。姿制誕逸。頗致藍田狷忿之譏。時叢平子輕狂之誚。間有侯芭嗜奇之癖。時多吳質好伎之累。每當四節之會。風日閒麗。親懿稠密。丹輪徐動。華軒遂盈。當斯時也。賓徒迭進。則神思轉給。簫笳互激。則酬應彌妙。昔大梁侯方域。常作文章。必須聲伎。僕不幸遂似之。至於

別。岑。臺。入。曲。房。弛。華。裳。跼。利。屣。銀。燈。乍。滅。文。纓。已。絕。臣。心。最。歡。才。能。一。石。何。論。八。斗。且。夫。燥。濕。之。理。各。有。其。宜。動。靜。之。性。奚。能。一。致。若。使。龍。泉。不。試。之。盤。錯。騏。驥。不。驟。之。康。莊。則。羽。檄。何。以。擅。長。於。枚。臯。書。函。何。以。著。稱。於。齡。石。今。者。塗。路。既。局。神。明。有。限。塊。處。怵。息。忽。焉。終。日。已。失。裨。諶。謀。野。之。助。幾。蹈。莊。叟。文。犧。之。喻。而。欲。矯。厲。文。采。以。供。撫。掌。豈。可。得。耶。將。毋。過。高。唐。而。善。謳。歌。臨。睢。渙。而。思。藻。續。祇。爲。欺。我。無。關。實。事。也。

清熊文舉汝陰與人書

人言縣令爲俗吏。予不信也。卽予迎送輶車之暇。縱遊野市。郵亭。烏巾。白帽。遠想悠然。山僧老農。皆得持楮板。索書題字。村氓里婦。勃窣雀鼠之爭。數言剖析。歡喜踴躍而去。此情景。視長安軟塵十丈。鈍騎蹢躅。銓弊蝟毛。吏胥窟穴。其中以目瞬眉揚。爲狡獪變幻。緝事虎冠。眈眈几肉。何啻糞壤之望雲霄也。

清徐枋與葛瑞五書

弟自二十四歲而遭家國之變。今忽已四十三歲矣。覩顏儉生於喪亂憂患之中。轉眼不覺遂二十年。回首二十年中。其所遭萬死而一生。及自分以必死而不死。及必不欲生而復倖生者。不可以縷述也。退之云。譬如痛定之人。回思當痛時。未知若何以自處也。而況今二十年矣。而痛尙未定者乎。噫。爲可悲也。蘇子卿陷身絕域十九年而歸漢。所謂丁年奉使。皓首而歸。千古而下。讀之猶爲隕涕。今已二十年而日月尙悠。嗟乎。人生幾何。何以堪此。弟今年纔四十三耳。而鬚髮半白。齒牙搖落。筋骨關竅之間。自知有深入之病。嗟乎。憂能傷人。其信然乎。然以二十年倖生而自謂尙可與兄披襟解帶而無愧者。非獨以杜門守死爲然也。此二十年中所成書。通鑑紀事類聚三百若干卷。廿一史文彙若干卷。讀史稗語二十餘卷。讀史雜鈔六卷。建元同文錄一卷。管見十一篇。計成書亦且幾百卷矣。然弟之無愧於兄者。不在此也。二十年讀書課文編輯之中。蓋亦有得於身心之學焉。聖賢每謂能自得師。又謂無常師。弟雖不敏。然於土室而牆形影相弔之時。而往往自